



Héraðsþing HSV 9. maí 2018

18. ársþing Héraðssambands Vestfirðinga 9. maí 2018

Haldið í Stjórnsýsluhúsinu Ísafirði kl. 17:00

Dagskrá:

1. Þingsetning.

Fyrir þingsetninguna skrifaði Guðný Stefanía Stefánsdóttir undir tvo samninga fyrir hönd afreksmannasjóðs HSV við þau Þórð Hafþórsson og Önnu Maríu Daníelsdóttur. Að því búnu setti Guðný Stefanía Stefánsdóttir, formaður HSV, þingið kl.17.10.

2. Kosning fyrsta og annars þingforseta.

1. þingforseti er Birna Lárusdóttir og 2. þingforseti Sturla Páll Sturluson. Birna tekur við stjórn þingsins.

3. Kosning fyrsta og annars þingritara.

1. Salome Elín Ingólfssdóttir og 2. Ingi Björn Guðnason

4. Kosning þriggja manna kjörbréfanefndar.

Ekki er gerð athugasemd við boðun þingsins og því haldið áfram og kosið í þriggja manna kjörbréfanefnd. Sigmundur Fríðar Þórðarson formaður, Marinó Hákonarson og Guðfinna Hreiðarsdóttir. Nefndin tekur strax til starfa.

5. Skýrsla stjórnar lögð fram.

Guðný Stefanía Stefánsdóttir flutti skýrslu stjórnar. Þingforseti, fulltrúi UMFÍ og ÍSÍ, bæjarstjóri Ísafjarðarbæjar, sveitarsjóri Súðavíkur, aðrir gestir og ágætu félagar aðildarféлага HSV. Ég býð ykkur hjartanlega velkomin á 18. ársþing HSV. Eins og öll önnur starfsár héraðssambandsins hefur verið mikið að gera og okkar íþróttafólk farið um víðan völl og unnið stóra sigra og smáa. Sveitafélögin okkar tvö, Ísafjarðarbær og Súðavík, eru okkar stoð og stytta og án þeirra getum við ekki haldið áfram okkar frampróun fyrir samfélagið í heild



Héraðsþing HSV 9. maí 2018

sem hefur mikla þýðingu. Um síðustu áramót skrifuðum við undir nýjan samstarfssamning við Ísafjarðarbæ og með honum gátum við styrkt okkar stöðu sem héraðssamband með framkvæmdarstjóra í 75 % starfi. Það er mikil vinna sem framkvæmdarstjóri þarf að inna af hendi og í draumaheimi þá værum við með starfsmann í 100% stöðu. Þó svo að samningurinn við Ísafjarðarbæ hafi verið finnr þá má alltaf gera betur og nú er það nýr formaður sem fær það verkefni ásamt framkvæmdarstjóra.

Núna er svo komið að það er ekki lengur hægt að bíða eftir fjölnotaíþróttahúsi. Það er ekki hægt að bjóða knattspyrnuíðkendum upp á það að æfa á parketi lungan úr árinu. Þetta hefur áhrif á getu leikmanna og ef þetta verður svona áfram þá má segja að framtíð fótboldans sé í húfi.

Í vetur kom nýtt gólf í íþróttahúsið á Torfnesi og tókst það vel til, eftir langan biðtíma varð þetta loks að veruleika og flestir sátir.

Frístundarútan hefur verið vel nýtt og vona ég að núna muni bætast fleiri staðir. Við erum með íðkendum á fjörðunum í kring og þau þurfa að komast á Ísafjörð og Bolungarvík nú eða að við getum nýtt húsin enn betur ef rútan færi á fleiri staði. Við viljum þakka Ísafjarðarbæ og Bolungarvíkurkaupstað fyrir þeirra framlag og það hefur komið berlega í ljós að þetta er komið til að vera.

Á hverju ári eru haldin íþróttamót hérna á svæðinu. Má meðal annars nefna handboltamót sem Hörður heldur hér í lok apríl þar sem drengir í 5. flokki koma og spila heila helgi, einnig eru haldin hér blakmót og körfuboltamót. Með fjölnota íþróttahúsi gætum við líka haldið knattspyrnumót. Við eigum eitthvað í land með að geta haldið sundmót en hver veit hvað framtíðin ber í skauti sér. Síðast en klárlega ekki síst eru öll skíðamótin sem haldin hér á hverju ári. Þar trónir á toppnum Fossavatnsgangan sem er eitt af elstu mótum á landinu. Stjórn ásamt framkvæmdastjóra vann á árinu að hinum ýmsu verkefnum. Haldnir voru 11 stjórnarfundir og fjölmargir aðrir minni fundir í hinum ýmsu nefndum og með aðildarfélögum. Ég vil nota tækifærið og þakka þeim sem komu að starfsemi HSV á árinu, stjórn, framkvæmdastjóra, yfirþjálfara Íþróttaskóla HSV og öðrum velunnurum sambandsins fyrir góð og vel unnin störf.

Íþróttaskóli HSV

Íþróttaskóli HSV er löngu orðinn fastur punktur í starfsemi okkar og frábært að sjá alla þessa krakka taka þátt í þessu flotta starfi. Við viljum gera betur á fjörðunum og höfum leitað margra leiða til að manna þar þjálfara. Betur má ef

duga skal og ég bind vonir við það að það muni takast næsta Núna í vetur var Grettir á Flateyri með gönguskíðaæfingar í samstarfi við Íþróttaskólann. Það frumkvæði sem kemur frá þeim félögum sem eru innan HSV er aðdáunarvert og það viljum við sjá.

Við viljum hafa skólann í stöðugri þróun og við viljum líka fá að vita hvernig foreldrum líkar við þjónustuna og ekki síst hvernig börnunum líður, því þetta er jú fyrir þau gert. Nýlega var gerð viðhorfskönnun meðal foreldra til að kanna viðhorf þeirra til skólans. Niðurstöðurnar komu okkur ekki á óvart, það er almenn ánægja með skólann og foreldrar vilja sjá hann áfram. Auðvitað má alltaf gera breytingar og eftir að hafa haldið fund með þjálfurum og stjórnarmönnum þá verður farið yfir verkferla og fleira.

Við viljum að öll börn á Íþróttaskólaaldri skili sér inn til okkar. Allar rannsóknir sýna að börn sem iðka sem flestar íþróttagreinar langt fram eftir aldri skili sér í betri íþróttamanni síðar meir.

Rekstur HSV

Ársreikningur HSV fyrir 2017 sýnir að rekstur sambandsins er mjög viðkvæmur og ekki má mikið útaf bregða. Það er ljóst að vel þarfa að halda á spöðunum til að allt gangi upp.

Inn í samstarfssamningi HSV og Ísafjarðarbæjar er kveðið á um að Ísafjarðarbær leggi HSV til íbúðastyrk í formi afnota af fimm íbúðum Fasteigna Ísafjarðarbæjar ehf. Þessar íbúðir hafa verið í Múlalandi og í Hnífsdal og það er ekkert of stórt til orða tekið ef við segjum bara að þetta sé lífsnauðsynlegt fyrir félögin hér á svæðinu. Mörg félög hafa átt í erfiðleikum með að manna þjálfarastöður sínar en að hafa aðgang að íbúð gerir hlutina auðveldari í samningarviðræðum við þjálfara um að koma vestur. Nú er staða íbúðamála í bænum hinsvegar sú að framboð virðist minna en eftirspurn og ásókn hefur aukist í íbúðir hjá bænum. Það er því brýnt að minna á úthlutunarreglur HSV þar sem brýnt er að þjálfarar á barna- og unglingastigi eru í forgangi fyrir íbúðir.

Skýrsluskil aðildarfélaga

Þriðja þingið í röð liggur frammi í tölvutæku formi ársskýrsla HSV þar sem gert er grein fyrir starfsemi HSV og aðildarfélaga þess og sýnir hún hversu umfangsmikið og gott starf er að finna hjá aðildarfélögum. Því miður vantar skýrslur frá nokkrum aðildarfélögum en þær hafa ekki borist til HSV. Rétt er að minna á breytingu á 5. grein laga HSV er samþykkt var 2016. Þar er kveðið á

um að skila þurfi starfsskýrslu til HSV fyrir 15. apríl þar sem fram kemur félagatal, iðkendatal og ársreikningar. Þessari starfsskýrslu er skilað gegnum Felix skráningarkerfi ÍSÍ og UMFÍ. Einnig eiga aðildarfélög að skila ársskýrslum til HSV að loknum aðalfundum sínum eða eigi síðar en 31. maí. Ársskýrslur skulu innihalda skýrslu stjórnar með árituðum ársreikningi. Það er aldrei of oft ítrekað að skil á starfsskýrslum og ársskýrslum er grundvallar atriði í starfi íþróttafélaga og algjört skilyrði til að félög geti haldið áfram að þiggja opinbert fé. Rekstrarstyrkir frá Ísafjarðarbæ og lottótekjur eru náttúrulega ekkert annað en opinbert fé. Og það er ábyrgðarhluti að þiggja opinbert fé. Í 5. grein laga HSV kemur einnig fram að verði vanhöld á skýrsluskilum er HSV heimilt að halda eftir styrkjum til viðkomandi félags. Geri viðkomandi félag ekki skil á ársskýrslum á réttum tíma tvö ár í röð hefur stjórn HSV heimild til að taka viðkomandi félag af úthlutunarlista. Fyrir þingi núna liggur tillaga stjórnar um að ársþing HSV geti tekið ákvörðun um að vísa þeim félögum úr sambandinu. Slík ákvæði eru í lögum flestra stærstu héraðssambanda og íþróttabandalaga landsins og hefur HSV borist ábending um að bæta útvísunarákvæði í lög sambandsins. HSV fær og útdeilir til sinna aðildarfélaga tugum milljóna af almannafé og er það skýr krafa samfélagsins, ÍSÍ, UMFÍ og Ísafjarðarbæjar að hjá aðildarfélögum sé unnið eftir lögum og reglum og að bókhaldi og skýrslugerð sé sinnt.

Íþróttamaður Ísafjarðarbæjar

Íþróttamaður Ísafjarðarbæjar 2017 var kjörinn í janúar síðastliðnum. Að þessu vinni var það gönguskíðamaðurinn Albert Jónsson. Albert var vel að þessum titli kominn og það hefur verið gaman að fylgjast með honum undanfarin ár. Ég er sannfærð um að hann muni ná langt og hef ég trú á því að við munum sjá hann á stórmótum framtíðarinnar. Óska ég þessum unga og frábæra íþróttamanni til hamingju með þennan titil. Afreksfólk í íþróttum er nauðsynlegur hvati fyrir ungu kynslóðina og þau eru fyrirmyndirnar sem horft er til. Það fylgir því ábyrgð að vera fyrirmynd og það er ánægjulegt að sjá þennan unga og glæsilega íþróttamann koma fram sem góð fyrirmynd fyrir hönd Ísafjarðarbæjar.

Afreksstefna HSV

Staða afreksmanna hjá HSV hefur verið óbreytt undanfarin ár en núna verður breyting á. Stjórn afreksmannassjóðs mun í dag skrifa undir samninga við



Héraðsþing HSV 9. maí 2018

Íþróttafólk sem ætlar sér langt í sinni grein og með þessum samningum munum við ná að hjálpa þeim enn frekar. Innan vébanda HSV er mikð af afreksfólki og er það vel, við erum með fjölda ungra íþróttamanna á svæðinu sem hafa verið valin í landsliðsúrtek. Sum hver hafa svo náð það langt að vera fastir menn á landsliðsæfingu og svo hafa enn aðrir fengið tækifæri til þess að keppa fyrir landslið sinnar íþróttagreinar. Þennan hóp viljum við styrkja og efla.

Ferðakostnaður

Ferðasjóður ÍSÍ hefur gríðarlega mikla þýðingu fyrir aðildarfélög HSV og hafa þau verið dugleg að sækja í sjóðinn. Mjög mikilvægt er að öll félög sendi inn í ferðasjóðinn fyrir þann ferðakostnað sem styrkhæfur er. Íþróttafélögin í landinu geta með þessu móti sýnt fram á það hversu mikill kostnaður er fólgin í ferðalögum og hversu brýnt er að hann verði eflur til mikilla muna.

Fjöldi ferða í umsóknum aðildarfélagum HSV voru 142 talsins.

Til úthlutunar úr Ferðasjóði ÍSÍ voru 127 milljónir króna. HSV fékk í sinn hlut 8,02 % af heildarpottinum eða kr. 10.191.688. Samsvarandi tölur fyrir HSV árið 2016 eru 5,87% og kr. 5.692.603.

UMFÍ

Starfsárið 2017 fóru þátttakendur frá HSV á bæði landsmót 50+ í Hveragerði og unglíngalandsmót UMFÍ á Egilsstöðum. Keppendur HSV á unglíngalandsmóti voru heldur fáir þetta árið líkt og undanfarin ár. Mikilvægt er að við mætum vel á unglíngalandsmót og þurfum við að finna leiðir til að auka þátttöku okkar krakka. Unglíngalandsmót er fjölskylduskemmtun án allra vímuefna og er góður kostur fyrir fjölskyldur og börn þeirra ef gera á verslunarmannahelgina skemmtilega og minnisstæða. Eftir talsverða yfirlegu þá ætlum við í HSV að sækja um Unglíngalandsmót UMFÍ 2021. Það er okkar von að með minni áherslu á keppni og meira áherslu á gleði, samveru og gaman þá höfði þetta mót til allra.

Á ársþingi UMFÍ sem haldið var í Hallormsstað í október var eitt mál sem stóð uppúr. Það var innganga íþróttabandalaga í UMFÍ. Við stóðum upp ásamt öðrum héraðssamböndum og gerðum athugasemdir og ekki það að við vildum ekki fá íþróttabandalögin inn heldur höfðum við áhyggjur af fjármunum til hvers héraðssambands. Einnig fannst okkur mögulega byrjað á röngum enda – frekar að finna leiðir til að sameina ÍSÍ og UMFÍ, eða bara hreinlega að leyfa íþróttafélögunum að vera með í öllu saman án þess að vera að nefna peninga.

Tillagan var felld og urðu mikil læti á þinginu sem varð til þess að önnur tillaga var flutt þess efnis að haldinn yrði aukabing til að ræða þetta enn frekar. Staðan er þannig núna að nefndin sem var að störfum hefur verið falið að vinna áfram og fleiri hafa komið inn í hana og þar á meðal ég.

ÍSÍ og UMFÍ

Sýnum karakter er flott verkefni sem hefur verið unnið bæði innan ÍSÍ og UMFÍ. Þetta er átaksverkefni um þjálfun sárænnar og félagslegrar færni barna og ungmenna í íþróttum. Hugmyndafræði verkefnisins byggir á að hægt sé að þjálfra og styrkja sálræna og félagslega færni iðkenda eins og líkamlega færni. Markhópur verkefnisins er fyrst og fremst þjálfara barna og ungmenna í íþróttum. Það er von allra sem að verkefninu koma að það muni hjálpa þjálfurum og fleirum til að tileinka sér aðferðir og leiðir til markvissrar þjálfunar karaktars ungu kynslóðarinnar.

Í Mennta- og menningamálaráðuneytinu er starfshópur að störfum og í honum eru meðal annars fulltrúar ÍSÍ og UMFÍ. Starfshópnum var falið að samræma verklag og fræðslu innan íþróttahreyfingarinnar og einnig um gerð aðgerðaráætlunar um hvernig eigi að bregðast við kynbundinni áreitni innan hennar. Eins og við öll vitum þá er vægast sagt hræðilegt það sem við höfum fengið að hlusta á undanfarna mánuði. Þessi starfshópur mun vonandi skila af sér á allra næstu dögum. Við höfum beðið eftir niðurstöðum og þær verða vonandi á þann hátt að við fáum leiðir og verkferla til að vinna eftir í erfiðum málum sem upp geta komið. Við eigum ekki að líða neitt ofbeldi og það er mikilvægt að fræða þolendur, gerendur og alla aðila í þessum málaflokki.

Styrkur frá 3X

Í desember 2017 veitti fyrirtækið Skaginn3X HSV styrk. Stuðningurinn var veittur í nafni starfsmanna fyrirtækjanna og er ætlað að bæta barna- og unglíngastarf íþróttahreyfinganna árið 2018. Þar sem barna- og unglíngastarf er langtímaverkefni gefa fyrirtækin jafnframt fyrirheit um sambærilegan stuðning, að ári, fyrir árið 2019. Styrkupp hæðin var kr. 1.500.000. auglýst var eftir styrkhæfum verkefnum hjá aðildarfélögum HSV og bárust 11 umsóknir frá 8 félögum. Öll verkefnin fengu úthlutað styrkjum frá kr. 50.000 til 300.000. Þakkar HSV fyrir þennan styrk til barna- og unglíngastarfs og hlakkar til frekara samstarfs við 3X.

Lokaorð

Núna er komið að leiðarlokum, ég hef verið formaður undanfarin fjögur ár og þau hafa verið mjög skemmtileg og að mínu mati höfum við ná miklu fram. Það má alltaf gera betur og núna legg ég það í hendurnar á nýjum formanni. Það sem er mér efst í huga núna er hvað við erum flott heild og það er hugur í vestfirsku íþróttalífi eða ætti ég kannski að segja vor. Ég hef trú á því að á komandi árum og með bættri aðstöðu til iðkunnar þá munum við sjá stærri og stærri sigra hérna á hjara veraldar eins og margir telja þennan stað vera. Ég hlakka til að starfa áfram innan hreyfingarinnar – ekki sem formaður - heldur sem foreldri.

Ég vil þakka sérstaklega öllum þeim sem hafa með einum eða öðrum hætti komið að starfsemi aðildarféлага HSV, án ykkar er þetta starf ekki mögulegt og ég ásamt öllum hérna inni viljum sjá starfið eflast enn frekar. Ég vil sérstaklega þakka Siggu Lára fyrir frábært samstarf og án hennar væri HSV ekki eins flott og raun ber vitni. Sigga Lára er frábær framkvæmdarstjóri og vinnur sitt starf vel. Einnig vil ég þakka Salome yfirþjálfara íþróttaskólans fyrir gott samstarf, hún er að vinna flott starf. Einnig vil ég þakka stjórn HSV fyrir gott samstarf undanfarin fjögur ár, það er gaman að vinna með fólki sem vill hreyfingunni vel og leggur sig fram til að gera enn betur.

Það er Ívar íþróttafélag sem sér um veitingarnar að þessu sinni og ég veit að við verðum ekki svikin af þeim.

6. Endurskoðaðir reikningar lagðir fram.

Karl Ásgeirsson gjaldkeri HSV leggur fram endurskoðaða reikninga sambandsins. Reikningar eru í ársskýrslunni. Lagðir fram sem þingskjal nr.1.

7. Ávörp gesta.

Fulltrúi Íþróttasambands Íslands, Ingi Þór Ágústsson ávarpar þingið. Færir kærar kveðjur frá starfsfólki ÍSÍ. Árið hefur verið viðburðaríkt hjá ÍSÍ eins og HSV. Vegna tengsla sinna við HSV segist Ingi Þór ávalt vera spurður út í Íþróttaskóla HSV þegar hann ferðast um landið fyrir ÍSÍ og hvetur hann alla til að koma vestur og kynna sér málið. Flestum finnst skólinn áhugaverður og margir vilja taka upp fyrirkomulagið sem hefur verið unnið eftir hér undanfarin ár. Íþróttaskólinn er barn sem má vaxa og dafna og kostirnir eru ótvíræðir sem endurspeglast í þátttöku barna hér á svæðinu í íþróttum. ÍR hefur tekið upp líkt

kerfi og íþróttaskólinn er, nýta sér þetta fyrirkomulag og hafa náð á undraverðan hátt að auka þátttöku barna stórlega. Þetta gerðist með fyrirkomulagi sem svipar til íþróttaskólans. Hann færir HSV og Ísafjarðarbæ þakkir fyrir að koma þessu á og starfrækja vel. Ingi nefnir einnig önnur stór verkefni hjá aðildarfélögum HSV og nefnir þar sérstaklega annarsvegar Fossavatnsgönguna sem hefur vaxið gríðarlega og hann ræðir hversu mikilvægur viðburður hún er fyrir bæinn og hinsvegar Körfuboltaþúðir Vestra sem fara vel í landann og eru orðnar þekktar í körfuboltaheiminum.

Á hverju ári er 127 milljónum, sem koma frá ríkinu, úthlutað úr Ferðasjóð ÍSÍ. Ferðasjóðurinn hefur vaxið undanfarin ár. HSV fær 5% af heildarúthlutun úr sjóðnum, um 30% af þeim umsóknum sem sendar eru inn og fær HSV fjórðu mestu úthlutun úr sjóðnum. Hann gerir sér þó grein fyrir því að þessi sjóður gefur einungis brotabrot af því sem foreldrar þurfa að leggja til. Hér er bara um að ræða styrk vegna ferðakostnaðar, en ekki neinn gistikostnað. Hann vonar að ríkið komi til með að auka fjármagn í þennan sjóð, sem hefur sannað gildi sitt. Mikill aðstöðumunur á félögum á landsbyggðinni og á höfuðborgarsvæðinu þegar kemur að ferðakostnaði.

Metoo umræðan. Skipuð nefnd um þau málefni. Verið að ræða það að fullri alvöru að vera með skrifstofu eða einstakling sem tekur við tilkynningu um slík mál, hlutlaus aðili sem tæki við slíkum ábendingum og farið með þær í réttan farveg. Getur verið erfitt að láta slíkar tilkynningar fara í gegnum sitt félag. Þetta er eitthvað sem má alls ekki líðast innan íþróttahreyfingarinnar frekar en annars staðar.

Fyrirmyndarhéröð. Hefur komið upp sú umræða um að héröð geti orðið fyrirmyndarhéröð. HSV tók þátt í þeirri undirbúningsvinnu á sínum tíma og tvö félög hafa nú fengið. Hvetur Ingi Þór HSV til að taka upp þetta form og sækja um að verða fyrirmyndarhérað.

Ingi Þór vill þakka Guðnýju Stefaníu, fráfarandi formanni HSV, fyrir störf í þágu héraðssambandsins og afhendir henni fyrir hönd stjórnar ÍSÍ gullmerki ÍSÍ. Þakkar henni fyrir það framlag sem hún hefur lagt fram á undanförunum árum. Þakkar fyrir sig.

Kristján Andri Guðjónsson ávarpar þingið. Kom inn í íþróttamálin þegar hann tók við sem formaður Íþróttá- og tómsbundanefndar. Reyndi að sinna því eftir bestu getu miðað við að hafa ekki mikinn áhuga á íþróttamálum. Erfitt þegar Sigga Lára, skólasystir hans, þyrfti að fá aukafjármagn inn í rekstur HSV, og

henni tókst að sannfæra hann um það. Þakkar fyrir sig og óskar HSV góðs gengis. Hann hefur nú keypt sér reiðhjól!

8. Álit kjörbréfanefndar.

Sigmundur Fríðar Þórðarson fer með álit kjörbréfanefndar. Hefði gjarnan viljað fá fleiri kjörbréf.

Félag	fjöldi félagsm 16 ára +	fjöldi fulltrúa	mættir fulltrúar
G.Í.	123	2	2
Geisli	183	4	
Gláma	0	1	
Grettir	99	2	
Hending	35	1	1
Höfrungur	249	5	3
Hörður	294	6	2
Ívar	38	1	1
Kubbi	59	1	1
SFÍ	409	8	8
Skotfélag	196	4	
Stefnir	109	2	2
Stormur	95	2	2
Sæfari	275	6	
TBÍ	0	1	
Vestri	1030	9	9
Víkingur	0	1	
	3194	56	31

Hestamannafélagið Hending: Marinó Hákonarson

Golfklúbbur Ísafjarðar: Kristinn Kristjánsson, Anton Helgi Guðjónsson

Íþróttafélagið Höfrungur: Guðrún Snæbjörg, Lísbet Óla Steinsdóttir,
Sigmundur Fríðar Þórðarson

Knattspyrnufélagið Hörður: Halldór Karl Valsson, Gísli Jón Kristjánsson

Íþróttafélagið Ívar: Jóna Björg Guðmundsdóttir

Íþróttafélagið Kubbi: Kristján Kristjánsson

Skíðafélag Ísfirðinga: Hólmfríður Vala Svavarsdóttir, Ásgerður Þorleifsdóttir,
Heimir Hansson, Elísa Stefánsdóttir, Jóhann Bæring Pálmason, Daníel
Jakobsson, Jóhanna Oddsdóttir, Sif Huld Albertsdóttir

Íþróttafélagið Stefnir: Tara Óðinsdóttir, Svala S. Jónsdóttir

Hestamannafélagið Stormur: Viktor Pálsson, Margrét Jómundsdóttir

Vestri: Hjalti Karlsson, Svavar Guðmundsson, Gunnar Eydal, Sigurður J. Hreinsson, Signý Þöll, Jóna Lind Kristjánsdóttir, Guðni Guðnason, Guðfinna Hreiðarsdóttir, Baldur Jónasson

9. Umræður um skýrslu stjórnar.

Orðið laust um skýrslu stjórnar og ársreikninga HSV og umræður teknar samtímis.

Marinó Hákonarson kveður sér hljóðs. Vildi ekki valda þinginu vonbrigðum og mæta ekki í pontu. Telur ársreikninga ekki líta illa út við fyrstu sýn. Það hefur verið meiningarmunur á skoðunum hans og HSV varðandi greiðslur til aðildafélaganna. Haldbært fé á áramótum uppá rúmlega 14 milljónir. Hann vill ekki að þessar milljónir liggi á reikningum sambandsins um áramót, vill að þetta sé sett út til félaganna á hverju starfsári. Hann hvetur þingfélaga til að renna í gegnum ársskýrslur HSV nokkur ár aftur í tímann. Þessi háttur var ekki á að geyma peningana í eitt ár áður en þeir voru greiddir út. Meiningarmunurinn er sá að það sé ekki hægt að reikna þetta þar sem þetta reiknast út frá tölum sem ekki eru í hendi fyrr en eftir áramót hverju sinni. Áður var það svo að þessum peningum var deilt út á árinu sem þeir urðu til. Vill gjarnan heyra skoðanir annarra á þessu máli. Ef þetta verklag þarf að vera í lögum og reglugerðum þá þarf það að vera svoleiðis. Finnst þetta mjög há upphæð inni á tékkareikningi héraðssambandsins um áramót. Þessir peningar eiga að fara út um leið og þeir geta farið út. Hann vill meina að þetta sé hægt. Áður var það svo að peningarnir komu inn á árinu og þeim var deilt út á árinu. Ekkert var til inni á reikningum héraðssambandsins á áramótum. Vill leggja þetta inn til umræðu og nennir lítið að eltast við þetta en vill að rétt sé rétt. Ef fólk telur að þetta verklag stjórnarinnar sé í lagi þá þarf það að vera uppi á borðinu og til skrifað. Guðný Stefanía formaður HSV svarar vangaveltum Marinós. Núverandi stjórn og framkvæmdastjóri eru ekki að breyta neinu, þetta fyrirkomulag hefur veirð síðan 2005. Þetta hefur verið gert svona og engu verið breytt í langan tíma.

10. Umræður og atkvæðagreiðsla um reikninga.

Umræður teknar með lið 9.

Reikningar samþykktir samhljóða.

11. Skipað í nefndir til starfa á þinginu:

Fjárhagsnefnd: Karl Kristján Ásgeirsson stýrir því starfi

Allsherjarnefnd: Hildur Elísabet Pétursdóttir stýrir því starfi

Laganefnd: Ingi Björn Guðnason stýrir því starfi

12. Fjárhagsáætlun lögð fram.

Sigríður Lára Gunnlaugsdóttir framkvæmdastjóri HSV leggur fram fjárhagsáætlun HSV fyrir árið 2018.

Þakkar fyrir aukinn styrk frá Ísafjarðarbæ í nýjum samningi við Ísafjarðarbæ.

Fer í gegnum tölurnar eins og þær standa.

Launakostnaður stærstur í gjaldaliðum, yfirþjálfari í fullu starfi og framkvæmdastjóri í 75% starfi.

Gert ráð fyrir um 700 þús í námskeið og kynningar. HSV hefur boðið uppá námskeið og kynningar fyrir sína iðkendur og aðildafélag og það hefur verið vel sótt. Vilja halda því áfram.

Reiknað er með rekstarafgangi fyrir árið 2018.

Gert er ráð fyrir kostnaði við landsmót UMFÍ því HSV vill gjarnan taka þátt í að gera þátttöku þeirra sem koma frá HSV sem allra besta.

Þingforseti vísar fjárhagsáætlun til fjárhagsnefndar sem þingskjali nr. 2.

13. Laga- og reglugerðabreytingar lagðar fram.

Guðný Stefanía Stefánsdóttir leggur fram tillögur til lagabreytinga.

Tillaga nr. 1, þingskjal nr.3

Lagabreytingatillaga frá stjórn HSV

Stjórn HSV gerir eftirfarandi tillögur um breytingu lögum HSV:

Greinagerð:

Fáein tilfelli hafa komið upp þar sem aðildarfélag HSV hafa ekki sinnt því að skila skýrslum og halda aðalfundi. Með nýju ákvæði í 5. grein laga HSV verður hægt að vísa þeim félögum úr sambandinu sem ekki sinna þessum skyldum. Slík ákvæði eru í lögum flestra stærstu héraðssambanda og íþróttabandalaga landsins og hefur HSV borist ábending um að bæta útvísunarákvæði í lög sambandsins. HSV fær og útdeilir til sinna aðildarfélaga tugum milljóna af almannafé og er það skýr krafa samfélagsins, ÍSÍ, UMFÍ og Ísafjarðarbæjar að hjá aðildarfélagum sé unnið eftir lögum og reglum og að bókhaldi og skýrslugerð sé sinnt. Breytingartillögur á 9. og 10. grein laganna eru gerðar til að samræma þær greinar að þeim breytingum sem samþykktar voru á héraðsþingi 2016. Einnig er texti lagfærður án þess að merking breytist.

Héraðsþing HSV 9. maí 2018

5. grein.

Starfsskýrslur/ársskýrslur

Hverju aðildarfélagi innan HSV er skylt að skila starfsskýrslu eigi síðar en 15. apríl ár hvert. Starfsskýrslur skulu innihalda félagatal, iðkendatal og ársreikninga. Í starfsskýrslum skal aðgreina meistaraflokk frá barna- og unglingastarfi.

Aðildarfélög skuli skila ársskýrslum til sambandsins að loknum aðalfundum sínum eða eigi síðar en 31. maí. Ársskýrslur skulu innihalda skýrslu stjórnar með árituðum ársreikningi

Verði vanhöld á skýrsluskilum er HSV heimilt að halda eftir styrkjum til viðkomandi félags. Geri viðkomandi félag ekki skil á ársskýrslum á réttum tíma tvö ár í röð hefur stjórn HSV heimild til að taka viðkomandi félag af úthlutunarlista. Það fjármagn sem þegar hefur safnast upp skal renna til afreksmannasjóðs HSV.

Verði:

*Verði vanhöld á skýrsluskilum er HSV heimilt að halda eftir styrkjum til viðkomandi félags. Geri viðkomandi félag ekki skil á ársskýrslum á réttum tíma tvö ár í röð hefur stjórn HSV heimild til að taka viðkomandi félag af úthlutunarlista. Það fjármagn sem þegar hefur safnast upp skal renna til afreksmannasjóðs HSV. **Að auki getur ársþing HSV tekið ákvörðun um að félaginu skuli vikið úr sambandinu. Ákveði þing að víkja félagi úr sambandinu skal tilkynna það til félagsins, ÍSÍ, UMFÍ og viðkomandi sérsambands/sérsambanda. Félag sem fellt hefur verið úr sambandinu getur óskað eftir aðild að HSV að nýju og skal þá fara með umsóknina samkvæmt 3. grein þessara laga.***

HSV sér um að dreifa styrkjum til aðildarfélaga skv. innsendum ársskýrslum. Styrkir þessir eru bein fjárframlög frá bæjarfélagi, Lottógreiðslur og greiðslur frá Íslenskum getraunum.

Styrkir skulu skipast á milli aðildarfélaga skv. eftirfarandi reiknireglu:

1. 70 % miðast við fjölda iðkenda, yngri en 18 ára
2. 20 % miðast við fjölda iðkenda 18 ára og eldri
3. 5 % miðast við skráða félaga
4. 5 % er skipt jafnt á félög

Lög aðildarfélaga sambandsins skulu staðfest af stjórn HSV svo og allar síðari lagabreytingar sem gerðar kunna að vera.

9. grein.

Fulltrúar.

Sambandsfélögin kjósa aðalfulltrúa og varafulltrúa á félagsfundum sínum, til að mæta á héraðsþingi, einn fyrir hverja 50, verði 25 umfram má kjósa einn fulltrúa fyrir það brot, gjaldskyldra félagsmanna 16 ára og eldri. Þó skulu fulltrúar aldrei vera fleiri en 9 frá sama félagi og aldrei færri en einn. Stjórnarmeðlimir sambandsins hafa atkvæðisrétt þótt þeir séu ekki kjörnir fulltrúar. Héraðsþing er lögmætt, ef löglega er til þess boðað.

Héraðsþing HSV 9. maí 2018

Verði:

Sambandsfélögin kjósa aðalfulltrúa og varafulltrúa á félagsfundum sínum, til að mæta á héraðsþingi, einn fyrir hverja 50, verði 25 umfram má kjósa einn fulltrúa fyrir það brot, gjaldskyldra félagsmanna 18 ára og eldri. Þó skulu fulltrúar aldrei vera fleiri en 9 frá sama félagi og aldrei færri en einn. Stjórnarmeðlimir sambandsins hafa atkvæðisrétt þótt þeir séu ekki kjörnir fulltrúar. Héraðsþing er lögð, ef löglega er til þess boðað.

10. grein.

Réttur til þingsetu.

Atkvæðisrétt á héraðsþingi hafa aðeins kjörnir fulltrúar þeirra félaga sem skilað hafa inn starfskýrslum skv. 5. grein. Auk þess hefur sambandsstjórn atkvæðisrétt. Auk þeirra eiga rétt til þingsetu og hafa þar málfrelsi og tillögurétt:

- a). Fulltrúar ÍSÍ og UMFÍ.
- b). Fulltrúar sveitafélaganna á sambandssvæðinu.
- c). Skoðunarmenn reikninga.
- d). Starfsmenn sambandsins.

Auk þess getur sambandsstjórn boðið öðrum aðilum þingsetu.

Aðeins sá sem er í félagi innan sambandsins er kjörgengur fulltrúi þess á héraðsþingi. Hver fulltrúi hefur eitt atkvæði. Allir þingfulltrúar með atkvæðisrétt skulu hafa kjörbréf.

Verði:

Atkvæðisrétt á héraðsþingi hafa aðeins kjörnir fulltrúar þeirra félaga sem skilað hafa inn **skýrslum** skv. 5. grein. **Sambandsstjórn HSV hefur einnig** atkvæðisrétt. Auk þeirra eiga rétt til þingsetu og hafa þar málfrelsi og tillögurétt:

- a). Fulltrúar ÍSÍ og UMFÍ.
- b). Fulltrúar sveitafélaganna á sambandssvæðinu.
- c). Skoðunarmenn reikninga.
- d). Starfsmenn sambandsins.

Sambandsstjórn HSV getur boðið öðrum aðilum þingsetu.

Aðeins sá sem er í félagi innan sambandsins er kjörgengur fulltrúi þess á héraðsþingi. Hver fulltrúi hefur eitt atkvæði. Allir þingfulltrúar með atkvæðisrétt skulu hafa kjörbréf.

Tillögunni vísað til laganefndar sem þingskjal nr. 3

14. Aðrar tillögur lagðar fram

Héraðsþing HSV 9. maí 2018

Guðný Stefanía Stefánsdóttir leggur fram aðrar tillögur stjórnar HSV fyrir ársþing HSV 2018.

Tillaga nr. 2 þingskjal nr. 4

Þakkartillögur

18. ársþing HSV haldið á Ísafirði 9. maí 2018, samþykkir að fela stjórn að senda eftirfarandi aðilum þakkir:

- Ísafjarðarbæ, bæjarstjórn og íþrótt- og tómstundanefnd þakkir fyrir stuðning við HSV á liðnum árum og hvetur til þess að haldið verði áfram á sömu braut.
- Bæjarstjórn Bolungarvíkur þakkir fyrir gott samstarf og afnot aðildarfélaga HSV að íþróttamannvirkjum í Bolungarvík.
- Starfsmönnum íþróttamannvirkja Ísafjarðarbæjar og Bolungarvíkur fyrir gott samstarf og þjónustu við iðkendur aðildarfélaga HSV.
- Starfsmönnum Sjúkrapjálfunar Vestfjarða fyrir gott samstarf um afreksform HSV, styrktarþjálfun fyrir unglunga.

Vísað til alsherjarnefndar sem þingskjal nr. 4.

Tillaga nr. 3 þingskjal nr. 5

Hvatningartillögur

18. ársþing HSV haldið á Ísafirði 9. maí 2018, samþykkir að fela stjórn að senda eftirfarandi aðilum hvatningarkveðju:

- Til Ísafjarðarbæjar, Súðavíkurhrepps og Bolungarvíkur um að styðja áfram dyggilega við íþrótt- og æskulýðsstarf.
- Til aðildarfélaga um að fjölmenna á landsmót UMFÍ á Sauðárkróki 12. – 15. júlí og á Unglingalandsmót UMFÍ haldið á Þorlákshöfn 2.-5. ágúst.

- Til aðildarféлага sambandsins um að beita sér af alefli gegn allri tóbaksnotkun og annarri notkun fíkniefna hjá félagsmönnum sínum. Sérstaklega hjá iðkendum og þjálfurum. Á meðan að það er vöntun á rannsóknum á skaðsemi rafsígarettu ætti að takmarka notkun þeirra við sömu svæði og reykingar.

Vísað til alsherjarnefndar sem þingskjal nr. 5

Tillaga nr. 4 þingskjal nr. 6

18. ársþing HSV haldið á Ísafirði 9. maí 2018, samþykkir að HSV sækir um að halda unglíngalandsmót UMFÍ árið 2021.

Greinargerð: Unglíngalandsmótin hafa vaxið og sannað gildi sitt sem glæsilegar fjölskyldu- og íþróttahátíðir þar sem saman koma þúsundir barna og ungmenna ásamt fjölskyldum sínum og taka þátt í fjölbreyttri dagskrá. Unglíngalandsmót UMFÍ er vímuefnalaus fjölskylduhátíð þar sem börn og ungmenni á aldrinum 11 – 18 ára reyna með sér í fjölmörgum íþróttagreinum en samhliða er boðið upp á fjölbreytta afþreyingu, leiki og skemmtun fyrir alla fjölskylduna. HSV hélt unglíngalandsmót á Ísafirði árið 2003 og því kominn tími til að bjóða heim á ný.

Vísað til alsherjarnefndar sem þingskjal nr. 6

Tillaga nr. 5 þingskjal nr. 7

18. ársþing HSV haldið á Ísafirði 9. maí 2018, samþykkir að leggja inn á Afrekssjóð HSV þær upphæðir sem safnast hafa inn í aðalsjóð sambandsins þegar félögum er ekki greiddir út styrkir vegna vanhalda á skýrsluskilum.

Greinargerð:

Í 5. grein laga HSV segir:

Verði vanhöld á skýrsluskilum er HSV heimilt að halda eftir styrkjum til viðkomandi félags. Geri viðkomandi félag ekki skil á ársskýrslum á réttum tíma tvö ár í röð hefur stjórn HSV heimild til að taka viðkomandi félag af

Héraðsþing HSV 9. maí 2018

úthlutunarlista. Það fjármagn sem þegar hefur safnast upp skal renna til afreksmannasjóðs HSV.

Hvorki núverandi stjórn né fyrri stjórnir hafa haft það verklag að setja þetta fjármagn í afrekssjóðinn. Með samþykkt þessarar tillögu fær ný stjórn HSV óumdeilt umboð til að breyta verklagi og færa í afrekssjóðinn uppsafnaðar upphæðir fyrri ára.

Vísað til fjárhagsnefndar sem þingskjal nr. 7

Tillaga nr. 6 þingskjal nr. 8

18. ársþing HSV haldið á Ísafirði 9. maí 2018, samþykkir eftirfarandi ályktun: HSV og aðildarfélög þess munu leggja sig fram við að bæta menningu í íþróttahreyfingunni og tryggja með öllum leiðum öruggt umhverfi og jafnrétti fyrir sína félagsmenn. Koma þarf upp viðbragðsáætlunum við hvers kyns ofbeldi og útbúa verkferla til úrlausnar í samvinnu við ÍSÍ og UMFÍ. Mikilvægt er að siðareglum og jafnréttisáætlunum sé fylgt.

Greinagerð:

Allir eiga rétt á því að komið sé fram við þá af virðingu. Einelti, kynferðisleg og kynbundin áreitni og ofbeldi, í hvaða mynd sem það birtist, má ekki viðgangast. Það er á ábyrgð okkar allra að fyrirbyggja og bregðast við slíkri hegðun. Starfshópur Mennta- og menningarmálaráðuneytis um kynferðislega áreitni í íþróttum hefur verið skipaður og er að störfum. Hópurinn er meðal annars að skoða þá verkferla sem eru við lýði í íþróttastarfinu og vinna tillögur til úrbóta. ÍSÍ og UMFÍ eru í forystu hreyfingarinnar og réttast er að vinna þessi mál þaðan og niður á við í hreyfinguna. Í minni félögum getur verið vandamt að taka á málum þar sem nálægð, frændskapur og vinskapur er mikill. Því er nauðsynlegt að hægt sé að fara með svona mál til hlutlausra aðila til skoðunar og úrvinnslu.

Vísað til alsherjarnefndar sem þingskjal nr. 8

Tillaga nr. 7 þingskjal nr. 9

18. ársþing HSV haldið á Ísafirði 9. maí 2018, leggur til að HSV öðlist gæða vottun íþróttahreyfingarinnar og gerist fyrirmyndarhérað ÍSÍ

Greinagerð:

Íþróttahreyfingin gerir kröfur til samfélagsins um stuðning, bæði aðgang að mannvirkjum og beinan fjárstuðning. Til þess að slíkar kröfur séu trúverðugar og réttlætanlegar þarf íþróttahreyfingin að sýna það í verki að hún geri raunhæfar kröfur til sjálfrar sín hvað varðar gæði og innihald þess starfs sem hún vinnur. Fyrirmyndarhérað ÍSÍ er verkefni sem samþykkt var á Íþróttáþingi ÍSÍ árið 2015. Íþróttahéruð ÍSÍ hafa nú möguleika á að sækja um viðurkenningu til ÍSÍ fyrir fyrirmyndarstarf. Viðurkenning fæst að uppfylltum ákveðnum skilyrðum sem ÍSÍ setur.

Vísað til alsherjarnefndar sem þingskjal nr. 10

Tillögur aðalstjórnar Vestra fyrir ársþing HSV 2018:

Tillaga nr. 8 Þingskjal nr. 10

18. ársþing HSV fagnar fyrirhuguðum framkvæmdum Ísafjarðarbæjar við fjölnota knattspyrnuhús á Torfnesi. Þingið hvetur til þess að framkvæmdum verði flýtt sem kostur er og horft verði til heildaruppbyggingar knattspyrnuaðstöðu á Torfnesi.

Greinargerð: Nú hyllir í að framkvæmdir við fjölnota knattspyrnuhús geti hafist. Skipulagsmálum er lokið og hönnunarferli að hefjast. Bæjaryfirvöld hafa staðið fyrir nokkrum samráðsfundum með fulltrúum íþróttafélaga. Stefnt er að því að framkvæmdir hefjist í haust og þarf eftir fremsta megni að tryggja að henni ljúki snemma árs 2019.

Vísað til alsherjarnefndar sem þingskjal nr. 10

Tillaga nr. 9 Þingskjal nr. 11

18. ársþing HSV hvetur Ísafjarðarbæ til að bæta úr aðstöðuleysi iðkenda í anddyri íþróttahússins á Torfnesi. Koma þarf upp sómasamlegri aðstöðu þar sem iðkendur geta setið í anddyri fyrir innan skógeymslu.

Héraðsþing HSV 9. maí 2018

Greinargerð: Íþróttahúsið á Torfnesi á Ísafirði er sannkölluð félagsmiðstöð barna og unglunga á norðanverðum Vestfjörðum. Þótt flestir komi iðkendurnir frá Ísafirði fjölgar þeim stöðugt, sem búa utan Ísafjarðar en sækja reglulegar æfingar í íþróttahúsið. Koma iðkendur úr öllum byggðakjörnum á norðanverðum Vestfjörðum, oft með frístundarútu milli Ísafjarðar og Bolungarvíkur.

Þessi aukning í aðsókn iðkenda utan Ísafjarðar hefur varpað ljósi á það mikla aðstöðuleysi sem iðkendur búa við utan æfingartímana í húsinu. Reglur hússins eru að jafnaði þær að iðkendur skulu bíða í skógeymslu/fatahengi í anddyri hússins, jafnvel í heilu og hálfu klukkutímana. Í ýmsum sambærilegum íþróttahúsum víða um land er aðstaðan allt önnur og geta gestir setið í almennum rýmum með stólum, borðum og jafnvel sófakrökum og sjónvarpi. Með litlum tilkostnaði væri hægt að koma upp sambærilegri aðstöðu í anddyri íþróttahússins á Torfnesi.

Vísað til alsherjarnefndar sem þingskjal nr. 11

Tillaga nr.10 Þingskjal nr. 12

18. ársþing HSV samþykkir að hvetja stjórnir allra héraðssambanda á Vestfjörðum að kanna kosti og galla sameiningar, allra eða hluta af héraðssamböndunum.

Greinargerð: Núverandi fyrirkomulag með svæðaskiptingu héraðssambanda er barn síns tíma og getur virkað verulega hamlandi í íþróttastarfi. Kanna þarf áhrif sameiningar á starf og fjárhag félaga og skoða færar leiðir til að koma í veg fyrir mögulegt tekjutap sem hlotist gæti af sameiningu.

Vísað til alsherjarnefndar sem þingskjal nr. 12

Tillaga nr. 11 Þingskjal nr.13

18. ársþing HSV hvetur öll íþróttafélög sambandsins til að taka föstum tókum mál er varða ofbeldisbrot, einelti og kynferðislega og kynbundina áreitni með það að leiðarljósi að tryggja öryggi, jafnrétti og jafnræði þeirra sem iðka og starfa innan félaganna.

Greinargerð: Í byrjun árs logaði íslenskt samfélag þegar innlendar íþróttakonur sögðu frá kynbundnu ofbeldi og áreitni í tengslum við íþróttaiðkun sína. Það hefur sýnt sig að almennt er íþróttahreyfingin ekki undir það búin að taka á slíkum málum og er mikilvægt að hraða allri vinnu við aðgerðaráætlanir og verklagsreglur. Menntamálaráðuneytið skipaði í vetur starfshóp um málefnið sem í eiga sæti fulltrúar ÍSÍ og UMFÍ. Starfshópurinn hefur skilað

tillögum til ráðherra og má búast við að innan tíðar fái íþróttahreyfingin nauðsynlegar leiðbeiningar og verklagsreglur til að takast á við þessi mál.

Vísað til alsherjarnefndarsem þingskjal nr. 13

Nú var gert var hlé á dagskrá til að veita starfsmerki HSV.

Silfurmerki

Jóhanna Oddsdóttir Skíðafélagi Ísfirðinga

Jóhanna Oddsdóttir fæddist inn í þekktu skíða- og Ólympíufjölskyldu hér í bæ og hefur skíðaíþróttin því fylgt henni alla tíð. Jóhanna er einn af dugnaðarforkunum sem Skíðafélag Ísfirðinga getur alltaf reitt sig á, hvort heldur sem er við mótahald, fjáraflanir eða annað sjálfboðaliðastarf. Hún hefur um árabil verið prímusmótorinn í útgáfu Skíðablaðsins, sem Skíðafélag Ísfirðinga gefur út um hverja páska auk þess sem hún átti farsælan feril sem formaður Skíðafélags Ísfirðinga um árabil.

Jakob Ólafur Tryggvason Skíðafélagi Ísfirðinga

Jakob Ólafur Tryggvason hefur um áratuga skeið verið viðloðinn skíðaíþróttina. Fyrst sem iðkandi í alpagreinum en síðar sem einn af helstu burðarrásum alpagreina starfins. Jakob var um 10 ára skeið formaður alpagreinaneftndar en á þeim tíma voru æfingar og mótahald til mikillar fyrirmyndar. Auk fjölda innanfélagsmóta kom Jakob að og stjórnaði fjölda bikarmóta, landsmóta og alþjóðlegra móta. Jakob hefur í seinni tíð dregið sig til hliðar en er þó enn mikilvægur hlekkur í mótahaldi alpagreina hjá SFÍ. Það er ómetanlegt að eiga svo reynslumikla félag sem alltaf eru boðnir og búnir að vinna fyrir sitt félag.

Kristján Kristjánsson Vestri

Kristján Kristjánsson er Hnífsdælingur í húð og hár en það skal ekki sett á móti honum hér. Hann hóf ungur að leika með BÍ88 og vakti mikla eftirtekt fyrir hraða og leikni auk þess hve hann var talinn óvenju fylginn sér. Þótti sumum jafnvel nóg um „fylgnina“. Þetta tók hann með sér upp alla yngri flokka allt í meistaraflokk en þó verður helsta afrek hans hins vegar að vera einhver harðgerasti leikmaður Evrópu í mýrabolta og varð vegferð hans þar mikil og vegleg en verður ekki rakin lengra hér. Kristján kom til starfa fyrir yngri flokka BÍ88, síðar Vestra árið 2013 en þá tók hann við formennsku yngri flokka af Hannesi Hrafni Haraldssyni. Undir hans stjórn hefur deildin vaxið og aukist, liðsmönnum fjölga sífellt enda er Kristján óþreytandi í starfi sínu fyrir yngri iðkendur og er verðugur fulltrúi íþróttarinnar í síharðnandi samkeppni við knattspyrnufélög um allt land sem búa að betri aðstæðum og baklandi.

Guðfinna Hreiðarsdóttir Vestra

Guðfinna M. Hreiðarsdóttir hefur staðið í eldlínunni í íþróttastarfi í Ísafjarðarbæ um langt árabil, einkum í kringum körfuknattleik. Hún sat lengi í stjórn KFÍ en hefur undanfarin ár einbeitt sér að uppbyggingu barna- og unglingastarfs KFÍ og síðar Körfuknattleiksdeildar Vestra auk þess að sitja í stjórn Íþróttafélagsins Vestra. Á þessum vettvangi starfar Guðfinna enn af kraftu þótt hennar eigin börn séu vaxin úr grasi. Á þessum tíma hefur starfsemi yngri flokka í körfunni blómstrað og er það ekki síst vegna óeigingjarns framlags sjálfboðaliða á borð við Guðfinnu. Hún hefur einnig lagt gjörva hönd á plóg við skipulag og utanumhald Körfuboltaþúða Vestra sem hafa vaxið og dafnað að undanförmu.

Birna Lárusdóttir Vestra

Birna Lárusdóttir hefur unnið að framgangi og uppbyggingu körfuknattleiksíþróttarinnar á Vestfjörðum um langt skeið. Hún hefur setið í stjórnnum KFÍ og Körfuknattleiksdeildar Vestra um árabil auk þess að gegna formennsku í Barna- og unglingaráði. Birna var einnig kjörin í stjórn Körfuknattleikssambands Íslands á síðasta þingi sambandsins árið 2017. Verk Birnu í kringum körfuknattleikinn eru óteljandi en hún hefur einkum lagt áherslu á eflingu barna- og unglingastarfsins. Undir hennar forystu hefur m.a. verið lögð mikil áhersla á að breiða körfuknattleiksíþróttina um allan Vestfjarðakjálkann með margvíslegum samstarfsverkefnum. Birna hefur einnig verið einn af þrímusmótorum Körfuboltaþúða Vestra undanfarin ár og lagt sitt af mörkum til að efla búðirnar og skipa þeim í fremstu röð.

Heiðrún Tryggvadóttir

Heiðrún Tryggvadóttir hefur starfað á vettvangi stjórnar Barna- og unglingaráðs Körfuknattleiksdeildar Vestra og KFÍ af metnaði, dugnaði og fórnfýsi um langt árabil. Hún á ríkan þátt í þeirri uppbyggingu sem þar hefur átt sér stað undanfarin ár. Vart eru til þau störf innan deildarinnar sem Heiðrún hefur ekki sinnt. Gildir þá einu hvort um er að ræða skipulag og utanumhald stærri verkefna á borð við Körfuboltaþúðir Vestra eða fjáraflanir og fararstjórnir hjá yngri flokkum. Þá hefur Heiðrún, í starfi sínum við Menntaskólann á Ísafirði, unnið að því að koma á fót afreksbraut fyrir unga íþróttamenn við skólann sem yrði mikið framfaraskref fyrir iðkendur og aðildarfélag á svæðinu.

Guðrún Snæbjörg Sigþórsdóttir Höfrungi

Guðrún Snæbjörg Sigþórsdóttir er fædd og uppalin á Þingeyri. Frá unga aldri hefur Guðrún tekið þátt í íþróttum og hún á afrekaskrá í knattspyrnu og frjálsum íþróttum svo eitthvað sé nefnt. Guðrún hefur verið mjög virk í starfi Höfrungs og er alltaf boðin og búin til að hjálpa. Hún hefur tekið þátt í margvíslegum verkefnum og er vakin og sofin yfir öllu sem tengist hreyfingu. Hún tók meðal annars þátt í WOW Cyclothon síðasta sumar. Það er því sannur heiður að veita Guðrúnu Snæbjörgu silfurmerki HSV hér í dag.

Gunnar Bjarni Guðmundsson HSV

Gunnar Bjarni er inn af þessum sívinnandi einstaklingum sem eru íþróttahreyfingunni ómetanlegir. Hann hefur verið ötull í starfi bæði kringum fótboltann og skíðin. Þar hefur hann setið í stjórnnum, verið þjálfari, fararstjóri, áburðarmeistari og foreldri. Skíðablaðið væri hvorki fugl né fiskur en hann hefur sett upp blaðið af mikilli snilld síðustu ár. Allt eru þetta störf sem vinna þarf og hann hefur gert það vel. Það er þó ekki síst fyrir hans greiðvikni sem grafskur hönnuður sem hann fær sitt klapp á bakið í dag. Endalaus lítil verk leysir hann með mikilli þolinmæði og greiðvikni svo eftir er tekið.

Gullmerki

Óskar Kárason

Óskar Kárason hóf ungar að keppa í skíðagöngu og hefur verið viðloðandi skíðaíþróttina allar götur síðan. Hann hefur víða lagt hönd á plóg; sat m.a. í Skíðaráði Ísafjarðar um langt skeið, kenndi skíðagöngu og var árum saman starfsmaður á flestóllum skíðagöngumótum sem haldin voru á Ísafirði. Hlutur Óskars í uppbyggingu eins albesta skíðagöngusvæðis landsins, hér uppi á Seljalandsdal, er ómetanlegur og engin leið er að telja allar þær vinnustundir sem hann á að baki í því starfi. Hann hefur einnig um áratugaskeið verið dyggur starfskraftur Fossavatnsgöngunnar, oftast en ekki við brautarlagningu með Presti Jóhannessyni. Það er hverju félagi dýrmætt að eiga í sínum hópi fólk á borð við atorku-, skíða- og sagnamanninn Óskar Kárason.

Sigmundur Fríðar Þórðarson

Sigmundur Þórðarson hefur verið potturinn og pannan í starfi Höfrungs í ríflega fjóra áratugi og formaður lengur en elstu menn muna. Eitt af einkennum hans er hversu auðvelt hann á með að hrífa fólk og fá það með sér í lið. Hann virðist hafa endalause orku til að sinna sínu félagi og skiptir ekki hvort um er að ræða að setja upp leikrit eða sinna íþróttastarfi fyrir ungmenni. Sigmundur hefur lagt mikla áherslu á íþróttastarf fyrir börn í Dýrafirði og bver fjölbreytt og blómlegt starf Höfrungs þess merki. HSV hefur átt gott samstarf við Sigmund sem mætir flestum mönnum betur á boðaða fundi og fræðslu hjá sambandinu.

Eftir afhendingu heiðursmerkja var tekið matarhlé.

Að loknu matarhléi var þingstörfum framhaldið samkvæmt dagskrá.

15. Nefndarstörf um framlagðar tillögur og önnur mál sem nefndir ákveða að taka fyrir.

Nefndir vinna sín störf undir stjórn formanna nefnda.

16. Afgreiðsla á álitni nefnda.

Laganefnd

Ingi Björn talar máli laganefndar. Ein tillaga sem lá fyrir laganefnd. Samstaða í nefndinni og góðar umræður um þær breytingar sem stjórn lagði til. Breyting sem nefndin leggur til er breyting á orðalagi í grein nr.5 og að milda endurkomuákvæði með að sleppa stofnfélagaskránni.

Breytingar á 9.grein er röðun á orðalagi, fólk vildi nefna strax fjölda þeirra félaga sem eru með fulltrúa á héraðsþingi.

Engar breytingar á 10.greininni.

Í nefndinni var umræða um atkvæðisrétt stjórnarmanna héraðssambandsins og það rætt hvort að það sé eðlilegt að stjórn hafi atkvæðisrétt.

Tillaga nr. 1, þingskjal nr. 3 afgreidd úr laganefnd:

Greinagerð:

Fáein tilfelli hafa komið upp þar sem aðildarfélög HSV hafa ekki sinnt því að skila skýrslum og halda aðalfundi. Með nýju ákvæði í 5. grein laga HSV verður hægt að vísa þeim félögum úr sambandinu sem ekki sinna þessum skyldum. Slík ákvæði eru í lögum flestra stærstu héraðssambanda og íþróttabandalaga landsins og hefur HSV borist ábending um að bæta útvísunarákvæði í lög sambandsins. HSV fær og útdeilir til sinna aðildarfélaga tugum milljóna af almannafé og er það skýr krafa samfélagsins, ÍSÍ, UMFÍ og Ísafjarðarbæjar að hjá aðildarfélögum sé unnið eftir lögum og reglum og að bókhaldi og skýrslugerð sé sinnt.

Breytingartillögur á 9. og 10. grein laganna eru gerðar til að samræma þær greinar að þeim breytingum sem samþykktar voru á héraðsþingi 2016. Einnig er texti lagfærður án þess að merking breytist.

5. grein.

Starfsskýrslur/ársskýrslur

Hverju aðildarfélagi innan HSV er skylt að skila starfsskýrslu eigi síðar en 15. apríl ár hvert. Starfsskýrslur skulu innihalda félagatal, iðkendatal og ársreikninga. Í starfsskýrslum skal aðgreina meistaraflokk frá barna- og unglingsstarfi.

Aðildarfélög skuli skila ársskýrslum til sambandsins að loknum aðalfundum sínum eða eigi síðar en 31. maí. Ársskýrslur skulu innihalda skýrslu stjórnar með árituðum ársreikningi

Héraðsþing HSV 9. maí 2018

Verði vanhöld á skýrsluskilum er HSV heimilt að halda eftir styrkjum til viðkomandi félags. Geri viðkomandi félag ekki skil á ársskýrslum á réttum tíma tvö ár í röð hefur stjórn HSV heimild til að taka viðkomandi félag af úthlutunarlista. Það fjármagn sem þegar hefur safnast upp skal renna til afreksmannasjóðs HSV.

Verði:

*Verði vanhöld á skýrsluskilum er HSV heimilt að halda eftir styrkjum til viðkomandi félags. Geri viðkomandi félag ekki skil á ársskýrslum á réttum tíma tvö ár í röð hefur stjórn HSV heimild til að taka viðkomandi félag af úthlutunarlista. Það fjármagn sem þegar hefur safnast upp skal renna til afreksmannasjóðs HSV. **Að auki getur ársþing HSV tekið ákvörðun um að félaginu skuli vikið úr sambandinu. Ákveði þing að víkja félagi úr sambandinu skal tilkynna það til félagsins, ÍSÍ, UMFÍ og viðkomandi sérsambands/sérsambanda.***

Félag sem fellt hefur verið úr sambandinu getur óskað eftir aðild að HSV að nýju. Skal þá fara með umsóknina samkvæmt 3. grein þessara laga, að undanskilinni kröfu um framlagningu stofnfélagaskrár.

HSV sér um að dreifa styrkjum til aðildarfélaga skv. innsendum ársskýrslum. Styrkir þessir eru bein fjárframlög frá bæjarfélagi, Lottógreiðslur og greiðslur frá Íslenskum getraunum.

Styrkir skulu skipast á milli aðildarfélaga skv. eftirfarandi reiknireglu:

1. 70 % miðast við fjölda iðkenda, yngri en 18 ára
2. 20 % miðast við fjölda iðkenda 18 ára og eldri
3. 5 % miðast við skráða félaga
4. 5 % er skipt jafnt á félög

Lög aðildarfélaga sambandsins skulu staðfest af stjórn HSV svo og allar síðari lagabreytingar sem gerðar kunna að vera.

9. grein.

Fulltrúar.

Sambandsfélögin kjósa aðalfulltrúa og varafulltrúa á félagsfundum sínum, til að mæta á héraðsþingi, einn fyrir hverja 50, verði 25 umfram má kjósa einn fulltrúa fyrir það brot, gjaldskyldra félagsmanna 16 ára og eldri. Þó skulu fulltrúar aldrei vera fleiri en 9 frá sama félagi og aldrei færri en einn. Stjórnarmeðlimir sambandsins hafa atkvæðisrétt þótt þeir séu ekki kjörnir fulltrúar. Héraðsþing er lögmaett, ef löglega er til þess boðað.

Héraðsþing HSV 9. maí 2018

Verði:

Sambandsfélögin kjósa aðalfulltrúa og varafulltrúa á félagsfundum sínum, til að mæta á héraðsþing, einn fyrir hverja 50 gjaldskyldra félagsmanna 18 ára og eldri, verði 25 umfram má kjósa einn fulltrúa fyrir það brot. Þó skulu fulltrúar aldrei vera fleiri en 9 frá sama félagi og aldrei færri en einn. Stjórnarmeðlimir sambandsins hafa atkvæðisrétt þótt þeir séu ekki kjörnir fulltrúar. Héraðsþing er lögmett, ef löglega er til þess boðað.

10. grein.

Réttur til þingsetu.

Atkvæðisrétt á héraðsþingi hafa aðeins kjörnir fulltrúar þeirra félaga sem skilað hafa inn starfsskýrslum skv. 5. grein. Auk þess hefur sambandsstjórn atkvæðisrétt. Auk þeirra eiga rétt til þingsetu og hafa þar málfrelsi og tillögurétt:

- a). Fulltrúar ÍSÍ og UMFÍ.
- b). Fulltrúar sveitafélaganna á sambandssvæðinu.
- c). Skoðunarmenn reikninga.
- d). Starfsmenn sambandsins.

Auk þess getur sambandsstjórn boðið öðrum aðilum þingsetu.

Aðeins sá sem er í félagi innan sambandsins er kjörgengur fulltrúi þess á héraðsþingi. Hver fulltrúi hefur eitt atkvæði. Allir þingfulltrúar með atkvæðisrétt skulu hafa kjörbréf.

Verði:

Atkvæðisrétt á héraðsþingi hafa aðeins kjörnir fulltrúar þeirra félaga sem skilað hafa inn **skýrslum** skv. 5. grein. **Sambandsstjórn HSV hefur einnig** atkvæðisrétt. Auk þeirra eiga rétt til þingsetu og hafa þar málfrelsi og tillögurétt:

- a). Fulltrúar ÍSÍ og UMFÍ.
- b). Fulltrúar sveitafélaganna á sambandssvæðinu.
- c). Skoðunarmenn reikninga.
- d). Starfsmenn sambandsins.

Sambandsstjórn HSV getur boðið öðrum aðilum þingsetu.

Aðeins sá sem er í félagi innan sambandsins er kjörgengur fulltrúi þess á héraðsþingi. Hver fulltrúi hefur eitt atkvæði. Allir þingfulltrúar með atkvæðisrétt skulu hafa kjörbréf.

Afstaða þingsins er sú að tillaga nr. 1. þingskjal nr. 3 er samþykkt samhljóða.

Fjárhagsnefnd:

Karl Ásgeirsson talar máli fjárhagsnefndar. Fjörugar umræður að venju í fjárhagsnefnd. Fjárhagsnefnd lýsir yfir ánægju með aukið framlag úr ferðasjóði ÍSÍ sem hjálpar mikið við rekstur félaganna. Einnig ánægja með nýjan samstarfssamningu við Ísafjarðarbæ.

Fyrir fjárhagsnefnd lágu tvö mál. Fjárhagsáætlun, þingskjal nr.2 og tillaga nr. 5 þingskjal nr. 7.

Nefndin leggur til að þingskjal nr. 1, fjárhagsáætlun fyrir árið 2018 verði samþykkt óbreytt..

Tillaga nr. 5, þingskjal nr. 7 var rædd. Stjórnarmenn lögðu þessa tillögu fram og vildu umboð þingsins til þess að greiða þessar fjárhæðir inni í afrekssjóð.

Fjárhagsnefnd samþykkti þessa tillögu óbreytta úr nefnd með einu mótatkvæði.

Opnað var fyrir umræður um tillögur laganefndar og Marinó Hákonarson kveður sér hljóðs. Segist vera sá sem átti mótatkvæði í fjárhagsnefnd. Marinó fer síðan ítarlega yfir stöðu Hestamannafélagsins Hendingar og skil félagsins á starfsskýrslum síðustu 10 ár. Segir ekkert launungarmál að hestamenn og héraðssambandið erum tiltölulega ósammála. Segir að hestamenn hafa barist fyrir sínu í tugi ára, eitt af vopnunum var að skila ekki inn starfsskýrslum til þessa að viðsemjandi gæti ekki lesið uppá hvern dag hversu háum fjárhæðum var eytt í lögfræðikostnað og fleira. Tók ákvörðun sjálfur með stuðning stjórnar hestamannafélagsins. Stendur hér búinn að tapa þessu máli fyrir fjárhagsnefnd þingsins. Núna tveimur árum eftir að full skil og hestamannafélgaið er komið á fullt aftur og þá ákveður héraðssambandið að taka þessa peninga og að þeim beri skylda til að taka þessa peninga. Hann vonast til að svona uppákomur eins og þessi fáist rædd á þeim forsendum að verið er að reka íþróttafélgö og það hagar þannig til að greiddir hafa verið skattar til héraðssambandsins og landssambands hestamanna á þessum tíma en höfðu ekki rétt til keppni á opinberum vettvangi. Verði vanhöld á skýrsluskilum er hsv heimilt að halda eftir styrkjum til viðkomand félags, hefur félagið ekki skila í 2 ár hefur HSV heimild til að taka viðkomand félag af úthlutarlista. Hann vill meina að HSV fyrirgeri rétti sínum til að taka þessa peninga fyrst það var ekki gert á sínum tíma. Verði þetta niðurstaðan leggur Marinó til breytingatillögu við tillögu nr. 5, þingskjal nr 7.

Breytingartillaga Marinós:

18. ársþing HSV haldið á Ísafirði 9. maí 2018 samþykkir að stjórn HSV leggi inn í Afreksmannasjóð HSV þær upphæðir sem safnast hafa inn í aðalsjóð sambandsins þegar félögum er ekki greiddir út styrkir vegna vanhalda á skýrsluskilum liðinna ára. Stjórn HSV skal taka saman lista yfir fyrrgreindar upphæðir og senda öllum félögum sambandsins ásamt ástæðu og rökstuðningi fyrir ákvörðun sinni. Heimild þessi gildir eingöngu á árinu 2018.

Ingi Björn kveður sér hljóðs. Hvorki nefnt í greinagerðinni eða tillögunni að það er ekki einungis hestamannafélagið Hending sem er hér undir, tvö önnur félög í sömu stöðu, Kraftlyftingafélagið Víkingur og Golfklúbburinn Gláma.

Sigga Lára framkvæmdastjóri tekur til máls. Tillagan er tilkomin vegna þess að þegar aðildarfélög HSV skila ekki skýrslum þá safnist upp hjá HSV fjárhæð sem ekki má greiða út til félaganna vegna vanhalda á skýrsluskilum. Þessar upphæðir hefðu samkvæmt lögum HSV átt að greiða inn í afreksmannasjóð en það hefur ekki verið gert. Það er verklag sem er ekki rétt og því lögð fram þessi tillaga hér á þinginu til að fá umboð til að leiðrétta afturvirktt svo unnið verði eftir lögum HSV. Hún vill einnig leiðrétta lítillega það sem Marinó sagði um skil Hendingar. Hending skilaði ekki inn starfsskýrslum í fimm ár, frá 2011 til og með 2015. Lög HSV kveða á um að ekki er hægt að greiða út styrki til féлага sem ekki skila starfsskýrslum. Ennfremur er ekki rétt að hann hafi borgað alla skatta til HSV á þessu tímabili. Ef félag skilar ekki ársskýrslu er ekki til iðkendatal og þá er ekki hægt að gera upp styrki og skatta félaganna. Lögin eru mjög skýr, ef ekki er send út skýrsla í tvö ár þá dettur félagið út af úthlutunarskrá.

Umræður um tillöguna voru nokkrar úr sal.

Gengið til atkvæðagreiðslu um tillögu Marinós. Tillagan felld með nokkurra atkvæða mun.

Gengið til atkvæðagreiðslu um tillögu nr.5 á þingskjali nr.7. Tillagan samþykkt.

Lagt fram til samþykktar þingskjal nr. 2, rekstaráætlun fyrir árið 2018.

Samþykkt samhljóða.

Allsherjarnefnd

Hildur Elísabet formaður allsherjarnefndar fylgir sínum tillögum úr hlaði. Hún byrjar á að minnast Arnórs Stígssonar sem lést fyrir skömmu og sýnir stutt myndband af þessum frábæra íþróttamanni skemmta sér vel innan veggja hjúkrunarheimilisins Eyri sem hann dvaldi á.

Síðan fór hún yfir afgreiðslu allsherjarnefndar á tillögum.

Tillögur nr. 2, 3 og 4, þingskjöl 4, 5 og 6 voru afgreiddar óbreyttar úr nefnd.

Tillaga nr.6 þingskjal nr 8. Ákveðið var að draga hana til baka og sameina hana tillögu frá Vestra.

Tillaga nr.7 þingskjal nr. 9 samþykkt óbreytt frá allsherjarnefnd.

Tillaga nr.8 breyting á orðalagi:

Tillaga nr. 8 Þingskjal nr. 10 – Allsherjarnefnd

18. ársþing HSV fagnar fyrirhuguðum framkvæmdum Ísafjarðarbæjar við fjölnota knattspyrnuhús á Torfnesi. Þingið hvetur til þess að framkvæmdir hefjist *sem fyrst* og horft verði til heildaruppbyggingar knattspyrnuaðstöðu á Torfnesi.

Greinargerð: Nú hyllir í að framkvæmdir við fjölnota knattspyrnuhús geti hafist. Skipulagsmálum er lokið og hönnunarferli að hefjast.

Bæjaryfirvöld hafa staðið fyrir nokkrum samráðsfundum með fulltrúum íþróttafélaga. Stefnt er að því að framkvæmdir hefjist í haust og þarf eftir fremsta megni að tryggja að henni ljúki snemma árs 2019.

Tillaga nr. 9 var samþykkt óbreytt frá allsherjarnefnd

Tillaga nr.10 var samþykkt óbreytt frá allsherjarnefnd

Tillaga nr.11 var breytt þar sem tillaga nr. 6 var sett saman við þessa.

Tillaga nr. 11 Þingskjal nr. 13 – Allsherjarnefnd

18. ársþing HSV hvetur öll íþróttafélög sambandsins til að taka föstum tókum mál er varða ofbeldisbrot, einelti, kynferðislegu og kynbundnu áreitni með það að leiðarljósi að tryggja öryggi, jafnrétti og jafnræði þeirra sem iðka og starfa innan félaganna. Koma þarf upp viðbragsáætlunum við hvers kyns ofbeldi og útbúa verkferla til úrlausnar í samvinnu við yfirstjórn íþróttahreyfingarinnar.

Greinargerð: Í byrjun árs logaði íslenskt samfélag þegar innlendar íþróttakonur sögðu frá kynbundnu ofbeldi og áreitni í tengslum við íþróttaiðkun sína. Það hefur sýnt sig að almennt er íþróttahreyfingin ekki

undir það búin að taka á slíkum málum og er mikilvægt að hraða allri vinnu við aðgerðaráætlanir og verklagsreglur. Menntamálaráðuneytið skipaði í vetur starfshóp um málefnið sem í eiga sæti fulltrúar ÍSÍ og UMFÍ. Starfshópurinn hefur skilað tillögum til ráðherra og má búast við að innan tíðar fái íþróttahreyfingin nauðsynlegar leiðbeiningar og verklagsreglur til að takast á við þessi mál.

Greidd voru atkvæði um tillögur allsherjarnefndar.

Tillaga nr.2 samþykkt samhljóða.

Tillaga nr.3 samþykkt samhljóða.

Tillaga nr.4 samþykkt samhljóða.

Tillaga nr.6 dregin til baka af stjórn/nefnd.

Tillaga nr.7 samþykkt samhljóða.

Tillaga nr.8 samþykkt samhljóða.

Tillaga nr.9 samþykkt samhljóða.

Tillaga nr.10 samþykkt samhljóða.

Tillaga nr.11 þingskjal nr.13. Breytingatillaga samþykkt samhljóða.

17. Önnur mál.

Engin mál rædd undir þessum lið.

18. Kosningar.

a. Kosning formanns.

Formaður Guðný Stefanía gefur ekki kost á sér, gerð er tillaga um Ásgerði Þorleifsdóttur. Ásgerður fær lófaklapp og er kjörin formaður stjórnar Héraðssamband Vestfirðinga.

b. Kosning tveggja stjórnarmanna til 2 ára.

Úr stjórn gengur Páll Janus Þórðarson. Karl Ásgeirsson gefur kost á sér áfram í stjórn og Baldur Jónasson gefur kost á sér. Karl og Baldur hljóta kosningu.

Stjórn HSV er nú þannig skipuð:

Ásgerður Þorleifsdóttir formaður

Hildur Elísabet Pétursdóttir

Ingi Björn Guðnason

Karl Ásgeirsson

Baldur Ingi Jónasson

c. **Kosning þriggja manna í varastjórn til 1 árs.**

Fyrir voru Elín Marta Eiríksdóttir, Elísa Stefánsdóttir og Heimir Hanssson. Heimir og Elísa gefa kost á sér áfram auk þess sem Karlotta Dúfa Markan gefur kost á sér og þau hljóta kosningu.

d. **Kosning tveggja skoðunarmanna reikninga og tveggja til vara.**

Guðmundur Kjartansson og Bjarki Bjarnason aðalmenn.

Óðinn Gestsson og Einar Pétursson varamenn.

Allir kosnir með lófaklappi.

e. **Kosning þriggja stjórnarmanna Afreksmannasjóðs HSV.**

Jakob Einar Jakobsson, Guðný Stefanía Stefánsdóttir og Stefanía Ásmundsdóttir

f. **Kosning til íþróttapings skv. lögum ÍSÍ**

Þingforseti leggur til að þessu sé vísað til nýkjörinnar stjórnar HSV.

Samþykkt samhljóða

19. Þingslit.

Guðný Stefanía Stefánsdóttir fráfaramandi formaður tekur til máls. Sendir kveðju frá formanni Hrafnafloka og Auði framkvæmdastjóra UMFÍ. Þakkar Páli og Elínu Mörtu fyrir samstarfið í stjórn og öllum þeim sem hún hefur starfað með undanfarin ár hjá HSV.

Ásgerður Þorleifsdóttir, nýkjörinn formaður HSV tekur til máls. Þakkar traustið sem henni er sýnt. Sagðist ekki geta skorast undan þessu ef við viljum halda áfram að byggja upp gott íþróttastarf í bænum. Hlakkar til komandi samstarfs. Guðný Stefanía fráfaramandi formaður slítur þinginu kl.21.30.